

BOSNA I HERCEGOVINA
FEDERACIJA BOSNE I HERCEGOVINE
OPĆINA LUKAVAC
OPĆINSKI NAČELNIK
SLUŽBA ZA INVESTICIJE I POSLOVE
MJESNIH ZAJEDNICA
Broj: 03-04-3138/21
Lukavac, 06.09.2021. godine

Na osnovu člana 64. stav (1). tačka a), člana 25., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14) i Preporuke Komisije za provođenje postupka javne nabavke broj: 03-04-33138/21 od 02.09.2021. godine u otvorenom postupku javne nabavke građevinskog materijala i opreme, Pomoćnik općinskog načelnika za Službu za investicije i poslove mjesnih zajednica d o n o s i

ODLUKU

o izboru najpovoljnijeg ponuđača za nabavku građevinskog materijala i opreme

Član 1.

Prihvata se preporuka Komisije za provođenje postupka javne nabavke broj: 03-04-3138/21 od 02.09.2021. godine i Ugovor za javnu nabavku građevinskog materijala i opreme dodjeljuje ponuđaču „Beton gradnja d.o.o. Sižje - Lukavac, koji je dostavio ponudu broj: BG-004-3108/21 od 31.08.2021. godine, za ponuđenu cijenu u vrijednosti od 181.795,88 KM i rokom plaćanja 60 (šezdeset) dana od dana prijema računa kao najpovoljnijem ponuđaču.

Član 2.

Ova odluka objavit će se na internet stranici ugovornog organa (www.lukavac.ba) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 3.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 03-02-3137/21 od 10.08.2021.godine. Javna nabavka sprovedena je u otvorenom postupku. Procjenjena vrijednost javne nabavke bez PDV-a je 240.000,00 KM.

Obavještenje o nabavci broj: 719-1-1-83-3-108/21 objavljeno je na Portalu javnih nabavki dana 10.08.2021. godine.

Komisija za provođenje postupka nabavke imenovana Rješenjem broj: 02-04-75-57/21 od 11.08.2021. godine, dostavila je Pomoćniku općinskog načelnika za Službu za investicije i poslove mjesnih zajednica Zapisnik o pregledu i ocjeni ponuda broj: 03-04-3138/21 od 02.09.2021. godine, Preporuku o izboru najpovoljnijeg ponuđača broj: 03-04-3138/21 od 02.09.2021. godine i Izvještaj o radu broj: 03-04-3138/21 od 02.09.2021. godine.

U postupku po Izvještaju o radu je utvrđeno da je Komisija za provođenje postupka nabavke blagovremeno i pravilno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku primljene četiri ponude;
- da nije bilo neblagovremeno primljenih ponuda;
- da su ponude ponuđača: „Step“ doo Tuzla, „Siddik“ doo Poljice i „Beton gradnja“ kvalifikovane i prihvatljive, naime dostavljeni su svi traženi dokazi propisani tenderskom dokumentacijom, na propisan način;
- Komisija za provođenje postupka javne nabavke je analizom ponude ponuđača „TEVEKKUL“ doo Tuzla utvrdila da isti u sastavu ponude nije dostavio Rješenje o registraciji i ID broj, što je traženo tačkom

13.1.3. Tenderske dokumentacije, te je Komisija primjenom tačke 13.1.5. Tenderske dokumentacije, te primjenom člana člana 68. stav 4. tačka i.) Zakona o javnim nabavkama („Službene novine BiH“, broj 39/14), ponudu ponuđača „Tevekkul“ doo Tuzla odbacila.

- Komisija je pregledom ponude ponuđača „Dženex“ d.o.o Tuzla utvrdila da je navedeni ponuđač u Obrascu za ponudu – Prilog 3., na strani 18. ponude, u koloni „43. PLF T trapezni lim TR 35/207/100“ i na strani 19. Ponude u koloni „49. Prozor površine 4m²“ vršio ispravku ukupne cijene navedenih stavki, na način da je podebljao brojeve. Obzirom da je tačkom 14.4. tenderske dokumentacije propisano na koji način se vrši ispravka u ponudi, to je Komisija primjenom naprijed navedene tačke ponudu ponuđača „Dženex“ doo Tuzla odbila.

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača te pregled i ocjenu ponuda, u skladu sa kriterijima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje Preporuke Komisije za provođenje postupka javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu dokumentaciju utvrđeno je da procijenjena vrijednost nabavke bez uključenog PDV-a iznosi 240.000,00 KM bez PDV-a i da je kriterij za dodijelu ugovora ekonomski najpovoljnija ponuda u skladu sa sljedećim potkriterijima:

- a) Cijena 98 %
- b) Rok plaćanja..... 2 %

Ponuđač „Beton gradnja“ d.o.o. Sižje - Lukavac dostavio je prihvatljivu ponudu sa cijenom u iznosu od 181.795,88 KM i rokom plaćanja 60 (šezdeset) dana od dana prijema računa i osvojio 100,00 bodova, te je u odnosu na kriterij za dodijelu ugovora rangiran na prvo mjesto.

Iz navedenih razloga, primjenom člana 64. stav (1) tačka a) Zakona o javnim nabavkama, člana 25., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), i člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) odlučeno je kao u članu 1. ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se podnosi putem ugovornog organa, u pisanoj formi direktno ili preporučenom poštanskom pošiljkom na adresu: Općina Lukavac – Služba za investicije i poslove mjesnih zajednica, Trg Slobode 1, 75300 Lukavac, a izjavljuje se Uredu za razmatranje žalbi u Mostaru. Žalba se podnosi u najmanje 3 (tri) primjerka.

Dostaviti:

1. „Beton gradnja“ doo Sižje
2. „Siddik“ doo Poljice
3. „Step“ d.o.o Tuzla
4. „Dženex“ doo Tuzla
5. „Tevekkul“ doo Tuzla
6. Arhivi

